

Headline	Kalau pemimpin terjun laut, kita nak ikut		
MediaTitle	Sinar Harian		
Date	05 Feb 2015	Color	Full Color
Section	Nasional	Circulation	40,000
Page No	7	Readership	120,000
Language	Malay	ArticleSize	174 cm ²
Journalist	N/A	AdValue	RM 2,647
Frequency	Daily	PR Value	RM 7,940



'Kalau pemimpin terjun laut, kita nak ikut?'

KUALA LUMPUR - Bekas Perdana Menteri, Tun Dr Mahathir Mohamad berkata, sudah menjadi kelaziman beliau selaku orang lama dalam politik untuk menegur pemimpin pada masa ini jika merasakan ada yang tidak betul.

"Saya nyatakan pendirian saya, sama ada orang terima atau tidak pendapat saya itu terpulang.

"Saya perlu tegur kerana kalau tidak tegur benda salah ia akan berterusan dilakukan," katanya pada sidang media selepas lawatannya ke Institut Penyelidikan Perhutanan Malaysia (FRIM), semalam.

Beliau diminta mengulas tindakannya yang kerap mengkritik pentadbiran Perdana Menteri, Datuk Seri Najib Tun Razak.

Kata beliau, tegurannya itu adalah untuk kebaikan negara.

"Sayang pemimpin ditegur-tegurkan. Kalau asyik kata setuju sahaja, sampaikan kalau dia kata nak terjun dalam laut pun kita akan ikut sama, bodohlah kita," katanya.

Dalam pada itu, ketika di-



Dr Mahathir menanam pokok sebagai simbolik perasmian Majlis Pemasangan Plak Warisan Kebangsaan semalam.

tanya berhubung krisis MIC, beliau berkata, Najib adalah individu paling layak menyelesaikan masalah parti tersebut.

"MIC selalu ada masalah, jadi saya rasa orang yang boleh selesaikan masalah MIC adalah orang di luar, kalau sama-sama dia tidak boleh.

"Masa saya dulu pun berlaku juga," katanya.

Dr Mahathir berkata, ber-

dasarkan pengalamannya, beliau sendiri akan menemui pemimpin parti itu jika berdepan krisis serupa.

Najib dalam satu kenyataan media semalam berkata, beliau telah pun bertemu dengan pemimpin tertinggi MIC yang bertelagah dan parti itu ber-setuju mengadakan pemilihan parti semula untuk menyelesaikan masalah yang timbul.